

畧勿鋤鍊

南方八天

覆堯儲祈 星簡昉恭 神音謹忱  
陳伯呼在 漢延祖輝 伐靈力心  
第卑著延 高始耿亨 昭符江想

山尸毛樊 乙想通輻 卷白彼關  
升童照腦 精延內鑒 運意神占

西方八天

明思彪陶 鐸哥淨淙 瓊阜煙徊

媯茲綠姬 蒙虛遠誠 露液窈樂  
抱連卯墟 玄冥洞覺 蕪晶曆常

活欲耻珍 熾動命得 無何劫空  
定本為防 真絕乖當 一同龍初

予胎幻如

北方八天

闕光搖潤 結沫隔海 袖丘擬岡

流漫漣蔓 忽影紛象 興沒降伏  
妄有認匪 混獨消止 生思名慈

伐毒擯非 隨自納祥 天收赴微

總述玉函 標委瓊瓊 榮光第悖

諱契啓施

道言此諸天中大梵隱語无量之音昔文字皆廣長一文天真皇人以絳玉之簡刻書其文以為正音布諸臺閣及太微紫微館室之上以攝大小劫運世數水火克復不祥有知其音能齋而誦之者諸天皆遣飛天神王下觀其身書其功勳上奏諸天萬神朝禮地祇侍門大敷真王保舉上仙道備剋得遊行三界升入金門此音無所不辟無所不穰無所不度無所不成天真自然之音也故誦之致

飛天下觀上帝遙唱萬神朝禮三界侍軒群秩東首鬼精自亡琳琅振響十方肅清河海靜默山嶽吞烟萬靈振伏招集群仙天無氛穢地無妖塵冥慧洞清大皇玄玄也

元始无量度人上品妙經卷之四

靈寶无量度人上品妙經卷之五 天五

消穰國君王侯世土災祥品

道言昔於靜慶天中玉景安華太真樂土受元始度人消穰國君王侯世土災祥无量上品元始天尊當說是經周迴十過以召十方始當詣座天真大神上聖高尊耀寶真人諸天仙王太極公侯左右仙伯卿士神吏無鞅數衆乘空而來寶琦天馬流軒雲車揚光輝彰華震耀浮金根飛輪玉雲交映侍衛星羅九靈開瑞洞朗八虛七日七夜諸天三界仙真境域一時慶樂群真協德人天康壽災患

獨消咸樂太平諸天世土山川林木緬平一等無復高下土皆作黃玉無有異色衆真侍座元始天尊玄坐空浮九光寶藥太和瓊龍之上說經一徧諸天大聖同時稱善是時普天世土之中風化晏清說經二徧秋沙不生說經三徧時序和平說經四徧星辰順軌日月常明說經五徧五穀咸茂無有凶橫說經六徧保真棄偽民無欲心說經七徧民德歸仁富壽永康說經八徧正道流行群生遠性

說經九徧國王帝主益增萬壽說經十徧天人合慶福祚無窮是時一國是男是女莫不傾心皆受護度咸得長生

道言是時元始天尊說經一徧東方无極大聖消災大神無缺之衆浮空而至說經二徧南方无極大聖徠凶大神無缺之衆浮空而至說經三徧西方无極大聖散禍大神無缺之衆浮空而至說經四徧北方无極大聖除殃大神無缺之衆浮空而至說經五徧東北无極大聖滅醜大神無缺之衆浮空而至說經六徧東南无極大聖蠲惡大神無缺之衆浮空而至說經七徧西南无極大聖蕩穢大神無缺之衆浮空而至說經八徧西北无極大聖誅邪大神無缺之衆浮空而至說經九徧上方无極大聖殄癘大神無缺之衆浮空而至說經十徧下方无極大聖伏魔大神無缺之衆浮空而至十徧周竟十方无極消穢世上一切災祥至真大神一時同至諸天國土君臣兆民傾心歸仰來者有如雲奔霧合無缺之衆迂圍一半土皆徧陷非可禁止於

是元始化一神珠大如鬱儀凝輝曜煥升降徘徊在太空之中元始攝引華芒徧及一切天真大神上聖高尊燿實真人十方无極諸天國土君臣兆民消穢世土災祥大神無缺數衆俱入神珠之中天人仰看惟見諸天國

土君臣兆民消穢世土災祥大神惟見欽敬從華芒中入既入華芒不知所入國人廓散地還平正無復敬陷元始即於神珠之內說經都竟衆真暨度以授於我當此之時喜慶難言法事粗悉諸天復位修救之間寂無遺響是時天人遇值經法普得濟度全其本年無有中傷世土安泰莫不昌隆不獲不競不疾不傷不刑不殺不侵不盜不天不殘上下一德保合太和齊同慈愛異骨成親國安民豐欣樂太平經始出教萬國以道預有至心

宗奉禮敬皆得度世

道言元始天尊說經中所言並是諸天上帝內名隱顯之音亦是真王內諱百靈之隱名也十方世土之中國君王侯欲延永世襲保安境土使兵災不起水旱不生盜息民豐時

原物春皆當數置五方消穢世土災祥真文或以佩受迎致福祥鎮國之符立壇祈醮此神文消災穢禍充保太平非世上之常辭上聖已成真人通玄究微能悉其章誦之十過諸天遠唱世土避昌災病所除水火蕩平

政教大備道德齊隆福祥滂至民物熙熙至學之士誦之十過則天地協贊感格神靈經緯順次造化生成國祚綿遠善瑞日臻所以爾者世土氣穢既消道氣還淳消穢妙範召制威神營衛於時運抗禦而不愆保度至治但無為而已不復憂虞輕誦此章身則被殃供養尊禮往後與隆世上昌熾與善因緣萬災不干神明護門斯經專妙獨步玉京消穢一切災祥為萬道之宗彙彙大範德難可勝道言凡誦是經十過諸天齊到億千萬國國君王侯世土之中皆蒙玄化普受道恩生養人物德澤咸均潛化靈賊使惡惡無聞激揚和氣清靜自然介爾景福上契玉真也上學之士修誦是經皆能為國消穢疾苦召致嘉祥世人受誦則上保家邦下無身災水為忠

孝延壽長年後獲緣化超生沉淪返質登仙  
遊宴太清此經微妙普度無窮一切天人莫  
不受慶無量之福世土蒙惠上天所寶不傳  
下世至士齋金寶教心盟天而傳輕世漏慢  
殃及九祖長役冥關侍經五帝玉童玉女各

二十四人營侍神文保護受經者身

道言正月長齋誦詠是經消穰國君王侯世  
土為天地陰陽舟沅成災穰制克平七月長  
齋誦詠是經消穰國君王侯世土日月星辰  
无會之愆臨注身官扶持妙用後天無終十  
月長齋誦詠是經消穰國君王侯世土災祥  
為永延曆數降致仙真安鎮國祚保天長存  
世世不絕長為人君安鎮其方民稱太平八  
節之日誦詠是經靈慶重被數佑庶民本命  
之日誦詠是經消穰災禍保身之中三田八  
景九宮關節靈真臟腑百神羅絡一形壽筭  
無傾鎮穰世土災凶保萬物以同榮尊享上  
功聖德齊明三界侍衛五帝司迎萬神朝禮  
名書上天功滿德就飛升上清  
道言行道之日皆當香湯沐浴齋戒入室

東向叩齒三十二過上聞三十二天心拜  
三十二過閉目靜思身坐青黃白三色雲  
氣之中內外翳冥有青龍白虎朱雀玄武  
獅子白鶴羅列左右日月照明洞煥室內  
項生圓象光映十方如此分明密呪曰

无上玄元太上道君召出臣身中三五功曹  
左右官使者侍香玉童傳言玉女五帝直符  
直日香官使者各三十二人開啓所言今日  
吉慶長齋清堂修行至經无量度人願所啓  
上徹徑御

无上三十二天元始上帝至事凡前平  
引系三十二過東向誦經

元始无量度人上品妙經  
元始洞玄靈寶太華消穰國君王侯世土災  
祥上品妙首十回度人百靈隱韻離合自然  
五氣玉文三天妙根混沌之始感激神真推  
判萬象品物流形光華布景與道合明總御

三界羅絡八方邦國境域帝主侯王各統世  
土上玄所宗政治德化效法是崇動靜之機  
表應災祥善招其吉惡貽其殃洞令帝夷天  
運隆昌存乎妙範皇極金篇彌綸範氣攝錄  
神王檢校禍福會于玉堂左右玄臺丹靈雲

房簡察否厄隨氣消穰演溢太和周旋徘徊  
中有上化保度之司中有極真雙皇太微中  
有五老却災辟非中有道祖太乙天真中有  
九靈太妙元神掌握樞紐西華玉妃迴愆散  
无无量之功今日開化諸天臨軒

東方无極消穰災厄神王長生大聖无量度人  
南方无極消穰災厄神王長生大聖无量度人  
西方无極消穰災厄神王長生大聖无量度人  
北方无極消穰災厄神王長生大聖无量度人  
東北无極消穰災厄神王長生大聖无量度人

東南无極消穰災厄神王長生大聖无量度人

西南无極消穰災厄神王長生大聖无量度人

西北无極消穰災厄神王長生大聖无量度人

上方无極消穰災厄神王長生大聖无量度人

下方无極消穰災厄神王長生大聖无量度人

十方消穰世土災厄保慶神王長生度世无量大神並乘寶埵天馬流駢雲車華蓋耀浮

金根飛輪騰馭駢駕玉鳳金龍建名神之節命靈之禧前詠洞虛之曲後歌天寶之章青鸞素鶴鳴相和而前馳後擁金華帝仙騎乘

駢羅控景徘徊停駐蹕監真度非十方主吏萬國神君天尊主掌皇綱眾靈持符執籍

同會帝宸鑒觀善惡檢察災源宣命世土九地神州定化之府神霄外臺典錄仙卿九官

八道十二天元總提運會造育之權蕩除凶

戾塞絕惡津不容邪蠶敵肆杖雲靈寶上法安鎮消穰回祥致福延祚無邊國君侯王帝

居自然端拱無為燕禧劫年民物寧泰共保長存世難息氛三極澄清永致陰陽窮厄之愆四時和平五辰順序二運推遷妙用之本該通太玄太玄之天天帝洞明元皇之境梵行

東方八天

瀾部繆祺天 帝南菩洎呈

鎮平思化天 帝越輔明津

拱觀政神無竟天 帝索可靈

道端克道天 帝抱雌觀神

真華總明天 帝侯昌都

運陽扶世天 帝孟奇晦山

福納萬申天 帝用達斯

洞靈濟方天 帝劉景標

南方八天

覺慧丹元天 帝女裳益玄

常應炎空天 帝學統慈布

光德保生天 帝杜百還

洪猷遠激天 帝照無拖  
澤施普揚天 帝運捷點壽  
歷祚極隆天 帝魁元仲嘉  
福熙昭績天 帝孝攸倫  
政通神幾天 帝洞皇利壽

西方八天

道功微妙天 帝初顯蔚基

鍊素證真天 帝登保妙持

奇靈省世天 帝雅玄旨宜

百寶履完天 帝略伯季望

順慈濟明天 帝龍求信中

智藏遺芒天 帝退吉淵

武威宗皓天 帝助光浪同

宇寧正隆天 帝順個靈夫

北方八天

玄生悟真天 帝報逸取仙

施玄淨粹天 帝伯師邊能

戒精檢神明契天 帝寶靈龍門

造龍靈覺真天 帝釋乙叢

直功進義天 帝曜合紫清

太玄恩无天 帝召變祝棊

離緣定化天 帝未那憂余

司危履玄天 帝虛生斗察

三十二天三十二帝諸天隱諱諸天隱名虛

玄變化無量洞章空无成韻九天之音三境

之尊立極之神飛天大魔保鎮之靈陰運陽

降法象生成无化之妙大不可量普育群真

保國護人消穰災无靜息氛氣收捕惡逆掃

蕩姦凶解散厄會却滅洪災真王監舉過度

天關更斗豐瓊西斗持兵北斗注壽南斗政

明中斗養德恩沛下民青帝備文白帝鑒觀

赤帝行令黑帝察姦姦黃帝體道統攝天官青

童持幡伐滅叛亡赤童執節消珍火殃素童

乘旗四夷來王玄童建慶鼓盈太倉黃童仗

鉞守衛明堂五天靈童神化無方總領三界

幹運天常名神制氣叩玉鳴鐘宣命布教飛

行太空丹天赫昇與道同功鎮安世土保天

無終上玄降命符告北鄴真王護世境土崇

康真文寶書普鎮不祥八靈洞衛雷電恢張

金獸天馬神鳳毒龍流鈴煥落風火激衝炎

炎赫赫朗耀高宮戲滅秋蟄皇道升平社稷

綿永萬邦咸寧魔無干試鬼無逃形六天列

曹檢察鬼營不得怠縱使氣交并普告三官

萬神咸聽三界五帝列言上清

帝一元始皇老上真三氣流芳化生神靈上

列九宮下布九淵太漠真精紫虛玉清曲宸

高映耀景玄冥蒼混綠昊白章碧炎羅絡大

梵素靈香煙金闕黃房玉京寶山丹霞鬱壘

藥珠廣寒眇眇劫初無極靈宮混黃下降輪

轉剛風九水三周浩蕩頑空外連網紐流演

諸天中有萬類主之以君體備天地齊居獨

尊陰陽升降庶物乃成元和冲妙牧養人民

陰窮陽恃天災互生兵荒水旱疫毒流行民

物天傷何以禳除洞玄靈篇七真印章五帝

玉文石精金光太丹玄經消穰世土之災永

亨利貞調正五常七曜齊明人王受福永保

太平上遊玉虛九化飛輪太微之內玄極之

中三元考校正道與陰陽蕩蕩灑灑魏魏圓羅

圓輝絳煙大明陰華朱爛蒼晶騰光散霞天

道貴和无量度人出入八門生化之根陽九

百六水火刀兵普受拯濟消滅災凶世獲樂

康上關三天三天之上玉帝玄居中有消穰

世土災厄之章八景瓊書辭參高真

第一保鎮國君飛空之音

浮羅神丘 受錄紫皇 乘雲落煙

八道交光 玉闕龍文 保鎮帝皇

妙哉神霄尊 興此大法橋 天光降紫微

寶符攝群妖 翩翩歸上帝 紛紛登絳霄

國君受大福 天歌朗幽寡 世祚享太平

懋昌道所招 元始授靈章 大範何昭昭

境界既以肅 惡根皆殄消 正已道來格

萬劫亦非遙

第二消穰王侯災厄之章

大道恢張 變化無方 滅熾諸天

咸立侯王 翼衛億千 共正宏綱

下及人世 仰法高宮 悠悠群類

功歸帝皇 幹運斗極 齊以昆崙

召仙集真 開化超登 感降和氣

養育生民 掃殄凶醜 却滅邪源

肅清世土 皇極真明 三玄寶符

統攝萬兵 得與飛仙 同到玉階  
遊行太空 所向利亨 運神上景  
永居紫庭

第三消穰世土災厄歌曰

上列九天 下分九淵 蕩蕩道景

經緯無邊 輪轉元綱 而定域中

國界既正 宸極居尊 森羅三境

安鎮五山 帝處神洲 總攝萬靈

若有災厄 穰以玉文 玄音八書

六十四篇 洞明天地 六氣交纏

掃除凶穢 簡奏上玄 保鎮隆平

三界晏然 至道本無形 神妙可相傳

玄德被群有 稽首神霄文

此三界之上飛空之中真王歌音音參洞章  
誦之百徧四海和同誦之千徧民化時雍萬  
徧道備世祚無窮超度三界德業興崇有聞  
靈音封山召靈勅制地祇侍衛送迎保安國  
土普濟群生是謂无量億劫度人有秘上天  
文諸天共所崇泄慢墮地獄禍及七祖翁  
道言此二章並是諸天上帝及神霄真王隱

秘之音消滅國君王侯世土之內一切災厄  
辟片不祥穰除兵饑蝗旱洪災瘟疫繁霜雷  
電暴惡風雨一切怪異使世土遐長宗霄  
茂禁制邪魔名迎和氣皆是大梵之言非世  
上常辭言無韻麗曲無華究故謂玄奧難可  
尋詳上天所寶秘於神霄王清王府東室秘  
藏數丁壬辰應運下傳若有至人齋金寶貨  
心依舊格告盟十天然後而付焉

道言夫天地運度亦有否終日月五星亦有  
虧盈至聖神人亦有休否未學之夫亦有疾  
傷凡有此災同氣皆當齊心修齋六時行香  
十徧轉經福德立降消諸不祥无量之文普  
度無窮

道言夫未學道淺或仙品未充運經災厄身  
歷傾危但當冥心行香誦經十徧即得過度  
厄難隨其學功計日而得昇遷不犯干試超  
登列仙

道言夫天地運終星宿錯度日月失明四時  
失度陰陽不調國境災怪疫毒流行兆民死  
傷師友命過皆當於國門之外築五方玄壇

於有災之所向望其處數露五方真文六時  
行香讚禮誦詠投詞上章招致真靈諸天即  
遣消穰世土十大神將一合來降驅斷災厄  
除斬妖魅世土安寧五福存至夫齋戒誦經  
功德甚重上消天災保鎮帝王下穰毒害以  
度兆民生死受賴其福難勝故曰无量普度  
天人

道言凡有是經能為天地帝主兆民行是功  
德有災之日發心修齋燒香誦經十過皆諸  
天記名萬神侍衛右列至人剋得為真玉五  
府之臣諸天記人功過毫分無失天中真王  
亦保舉爾身得道者乃當洞明至言也

諸天中大梵隱語无量音 道君撰  
元始消穰國君王侯世土災祥玉篇  
東方八天

景位尸陀 邀林詞歌 辨焚至侍  
章詢丕多 鉤白狂提 韓淵克僮  
徧霧勅符 橫佐篇妙 葉浼秦元  
淳侯總河 无蘭催宴 離雲濯波  
星慈貽明 光廓幽羅 正行梵龍

天機玉施

南方八天

星殿元基

曆奔華遠

九裁承天

化直占殿

聊還注壺

景運瓊璇

平遙屈連

慶常驛飛

蕩方經構

壁建趣堅

猛杵混田

西方八天

劔伊真庭

連岡驪晶

治異消靈

卦室鎮疆

蔭末山峯

汶時贊丁

祠婁決征

祖判叔徒

頻鄴曲泉

例蘇雲城

救慈蓬輿

北方八天

繡組迎符

樞台北圖

嬰次綠桓

苟隸寂曹

琤初凝紀

遼第牧班

命別將神

削疑詔咸

究綿密祝

月緒敷綿

霞沛望逾

力宣固全

錄梵廣報 冥察裕玄 果微罔著 覺陶沃輪

道言此諸天中大梵隱語无量之音舊文秘在九天玉闕之內應運降世消穰下土諸國境域災癘字皆廣長一丈天真皇人昔書其文以為正音有知其音能齋而誦之者諸天皆遣靈飛使者下觀其身書其功動上奏諸天萬神朝禮地祇侍門四極真王保舉上升道備刻得遊行三界升入金門此音無所不辟無所不攘無所不度無所不成天真自然之音也故誦之致飛天下觀上帝遙唱萬神朝禮三界侍軒群杖束首鬼精自亡琳琅振響十方肅清河海靜默山嶽吞煙萬靈振伏招集群仙天無氛穢地無枝塵冥慧洞清大覺玄玄也

元始无量度人上品妙經卷之五

太上五方真文及國君王侯所佩消穰災祥符命並附于後

東方真文

東方真文  


南方真文

西方真文

五女質素  
精把符

天五  
十六  
符

新成  
百精  
世土

永  
主  
世  
平

北方真文

北  
北  
精

天  
精  
世  
上

精  
精  
神  
實

王  
天  
無  
頓

中央真文

天  
精  
保  
鎮

天五  
十六  
金

精  
不  
精  
老

精  
世  
土  
康

國君佩符

符

王者佩符

符

諸侯佩符

符

右符安世土除災禍隨所旺色書碧繒上  
絳囊或上香三拜佩之吉更用一著杜  
中尤勝